



DEO OPTIMO MAXIMO
UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,
*manè discutienda in Scholis Medicorum, die Jovis decimâ-sextà mensis
Decembris, anno Domini M. DCC. LXXIII.*

M. CAROLO-LUDOVICO LIGER, Consiliario Medico Regis ordi-
nario in urbe & Comitatu Altiſſiodorensi, Doctore Medico, Præfide.

*An mutatis moribus Parisiorum, mutatâque Medicinæ theoriâ; varior
vena scëlio in morbis acutis?*

I.



MULTIPLI ex fonte, brutis animantibus ignoto, fluit in homines
innumera morborum caterva. Eadem certè in utrisque partium fabrica;
eadem vitæ origo; sed diversissimum vivendi genus. Illa naturam duc-
tem sequuntur, instinctuque numquam ferè fallaci obtemperare amant.
Isti mentis sepe effrænæ ludibrium media inter tædia, medios inter vo-
luptatum furores, diversam à naturâ viam calcare satagunt; famem oppressam,
otio velut fugacem aromatibus revocare tentant; invitosque sitis stimulos
temero spirituosorum liquorum hauſſu compeſcere gestiunt. Quosdam videre est,
paterna lucentes vitia, malæque educationis errores, tristem, morbosamque,
frugalis tamen mēſæ participes, nullisque libidinibus cruciatos, vitam agere.
Hinc citissima mors hominis, irrevocabili quidem naturæ voto accedenda, pru-
dentiori tamen regimine removenda. Undè tam longa prosperaque avorum nostro-



rum vita. Improbis laboribus firmabant artus; educatio physica aggressior, rara sed fervida venus, cui non nisi ab ephebis egressi juvenes litabant; fidi adstant menti satellites, tranquillitas, gaudium recteque facti conscientia. Famem optimis saturandam alimentis imperabat natura; sitim aquoso latice extinguendam ju-
bebat necessitas; bacchoque rara aut parca uni debiles offerebant sacrificia.

Infinita quidem arte arcessita, oppugnat hominem malorum legio, plurima tamen ex ipsâmet naturâ decurrunt; undè aër unicuique spirandus, pro illius diathesi, hominisque temperamento, varia fert incommoda; undè sub fallaci benignitatis specie ludunt sæpissimè alimenta & tantas in corpus edunt strages; sic plurimi chronici, sic plurimi acuti olim viguère, nunc vigent, & in æternum vige-
bunt; lenta in illis ruina, promptior in istis, qui pendent à naturâ fervidiori & sen-
sibiliiori, cujus æstus mitigandos medicina elapsi proximè sæculi fulscipiebat, ma-
ximè repetitis venæ sectionibus, quas nunc prohibet Parisiis, diversa hujus urbis
incolarum diathesis diversaque theoriæ medicæ ratio.

I I.

HOC est in Medicinâ axioma, variam pro vario temperamento, variis mo-
ribus, vario regimine etiâ in eodem morbo, instituendam esse curatio-
nem. Oculi ergo injiciantur in posterioris ævi homines quantum ab iis qui nunc
vivunt, distabant! Tunc aëre puro & aggressi, medios inter ruris labores quis-
que nobilissimus etiâ fruebatur. Simplicibus dapibus onerabantur mensæ; non-
dum ab inferis eruta, tantopere apud nos decantata gulæ irritamenta; infla-
mabiles & innumeri liquores, quos non immeritò totidem venena rectè appel-
larim, Prosperâ tunc latebant ignorantia. Mars & Triptolemus, alternâ vice
Gallorum exagitant artus. Cum lunâ sol non mutabatur. Lasios frigidâ sub umbrâ
recipiebat Morpheus. E somno recreatos, diei portas aperiens aurora, è lecto ex-
cutiebat. Amorem advocabat, propagationis naturæque vota explendi necessitas.

Chymicum prorsus apud Medicos evertetur systema, ipsius ruinis ædificaba-
tur mechanicum. Longè à scholis fugiebat exul Helmontius ille, tantoperè de me-
dicinâ meritis, meliorique sorte dignus. Sæpissimè fallacibus Malpighii, Rhuif-
chii fretus injectionibus, novam stabilierat theoriam Boerrhaavius omni laude
dignus. Vasculosum integram ipsi videbatur corpus. Nascentes semper illi occur-
rebant obstructions. Inflammatum ubique se se offerebat sanguis. Circulationis
difficultate obsidebantur vitalia œconomix viscera. Falsissimum, hoc theoriæ
jam nobis cognitæ pignus, sublimiori sui ingenii robore defenderunt Chiracius
& Hecquetius; numerantque inter præstantissimos, hujus temporis viros fautores
quam acerrimos.

I I I.

ULTIMO proindè sæculo, appetitus intensior, digestio facilior; major succi
nutritii copia, uberiori fluxu decurrebat purpureus latex, vividiori phlogisto
exæstuebat, calor ubique disseminabatur. Culta magis gymnastices, firmior proindè
corporis tractus, strictiorque illius compages: vigoreque freti hujus temporis
homines, exercitiis quæ minis probat natura sæpissimè indulgebant; undè tam
frequentes morbi acuti, tam periculosi, undè in auxilium tam repetitas sanguinis
missiones advocabat Medicina.

Disrumpenda juxta theoriam vasa videbantur; hinc sanguinis effusiones Me-

diantur omnino emissus usque ad animi deliquium sanguis, nec non bisquintuplex, sextuplex, decima etiam venæ sectio, quæ apud infantes, senesque ferè est insolita. Non obijciatur varios non esse utriusque sæculi mores. Objectionem repellat instituta nostræ juventutis cum senectute comparatio. Inijciantur oculi in heroum nostrorum tabulas genuinis firmos artus, coloribus exprimentes. Attendantur ad varium regimen à quo varia pendet diathesis.

Non tandem opponatur, novam theoriam falsis inniti principiis. Verissimam demonstrat experientia, evincunt causæ, symptomata, variorumque acutorum morborum curationes. Quid plura, quotidianæ praxi suffragium concedamus. Infelicissimi maxime repetitas, in ultimo sæculo celebratas, venæ sectiones sequuntur exitus. Natura verò vires, potiusquam debilitatem, à debitis tantummodo accipiens, ex variis morborum acutorum certaminibus, victrix emergit. Undè ergo cum ex unâ parte pro nobis militent experientia, antiquissimæ Medicinæ consensus, theoria, certis quantum fieri potest innixa principiis; ex alterâ verò mutetur temperamentorum ratio, olim vivida, nunc ferè iners. Nihil impedit quominus concludatur:

Ergò mutatis moribus Parisiorum, mutatâque Medicinæ theoriâ, rarior venæ sectio in morbis acutis.

DOMINI DOCTORES DISPUTATURI.

M. Hugo GAUTHIER,
Consiliarius Regis Medicus.

M. Ludovicus - Guilbertus
BOYROT DE JONCHERES.

M. Carolus SALLIN.

M. Simon VACHER, Regis exercituum in Insulâ Corsicâ Medicus.

M. Cosma-Augustinus LÉZURIER, Scholarum Professor designatus.

M. Nicolaus JEANROY, Bibliothecæ Facultatis Præfectus designatus, Regii Medicorum Collegii Nanceianorum Socius honorarius.

M. Jacobus VERDELHAN, DES MOLES, antiquus Serenissimi Principis Condæi Consiliarius Medicus.
M. Carolus - Ludovicus LIGER, Aëlis Præses.

M. Joannes - Stephanus GUETTARD, Regiarum Academiarum Parisiensis, Rupellensis, Florentinæ & Siokolmiensis Socius, Censor Regius & Historiæ naturalis Musæi Serenissimi Ducis Aurelianensis Custos.

Proponebat Parisiis JOANNES-MATHÆUS DE FRASNE, Sequanus, Saluberrimæ Facultatis Medicinæ Parisiensis Baccalaureus, Theſeos Autor.
A. R. S. H. 1773. A SEXTA AD MERIDIEM.